

Bosnia and Herzegovina  
Federation of Bosnia and Herzegovina  
**CANTON SARAJEVO**  
Institute for Informatics and Statistics

Broj: 26-34-34481-2/19  
Sarajevo, 23.10.2019. godine

Na osnovu člana 23. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj 49/05), direktor Zavoda za informatiku i statistiku Kantona Sarajevo objavljuje

**JAVNI OGLAS**  
**za popunu radnog mjesta namještenika na neodređeno vrijeme u**  
**Zavodu za informatiku i statistiku Kantona Sarajevo**

**Naziv radnog mjesta:**


- **Viši referent – tehnički sekretar ..... 1 (jedan) izvršilac;**

**Opis poslova radnog mjesta:**

Obavlja poslove tehničkog sekretara i administrativno-tehničke poslove; posreduje u vođenju telefonske komunikacije za direktora; vodi evidenciju zaduženja, naloga, sastanaka i drugih obaveza direktora kao i razne druge evidencije iz djelokruga rada administrativno-tehničkih poslova; vodi zapisnike sa sastanaka, obavlja daktilografske poslove, skenira potrebne materijale po nalogu direktora; vodi dnevne i mjesečne evidencije o prisutnosti na poslu zaposlenika Zavoda (dolasci, odlasci, bolovanja, godišnji odmori i dr.) i podnosi izvještaj direktoru; vrši evidenciju zahtjeva i kretanja predmeta, signirane akte dostavlja po izvršiocima; vrši prijem, evidentiranje kretanja i otpremu pošte kroz evidenciju protokola; vrši prijem i pripremu akata za arhiviranje i arhiviranje akata i dokumenata, sređuje i čuva materijale od značaja, koji služe kao službena osnova Zavoda; vrši administrativnu pripremu finansijskih planova; stara se o evidenciji, usklađivanju, čuvanju i izdavanju stalnih sredstava i ostalih materijalnih sredstava; organizuje i vodi potrebnu evidenciju utrošaka sredstava; obavlja i druge poslove koje mu odredi direktor i za svoj rad odgovara direktoru.

**Opći uslovi:**

- (1) da je državljanin Bosne i Hercegovine,
- (2) da je punoljetan,
- (3) da ima opću zdravstvenu sposobnost za obavljanje poslova radnog mjesta,
- (4) da ima vrstu i stepen školske spreme potrebnu za obavljanje poslova radnog mjesta prema Pravilniku o unutrašnjoj organizaciji organa državne službe,
- (5) da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini,
- (6) da nije obuhvaćen odredbom člana IX 1. Ustava Bosne i Hercegovine.



**Posebni uslovi:**

- (1) Završena gimnazija, tehnička ili ekonomska škola, SSS;
- (2) najmanje 10 mjeseci radnog staža u struci;
- (3) položen stručni ispit;
- (4) poznavanje rada na računaru.

**Spisak potrebnih dokumenata**

- 1) Prijava na Javni oglas koja sadrži kraću biografiju, kontakt podatke (adresa stanovanja i broj telefona) i sa tačnom navedenom dokumentacijom koju kandidat prilaže na Javni oglas;
- 2) Uvjerenje o državljanstvu Bosne i Hercegovine (ne starije od šest mjeseci);
- 3) Izvod iz matične knjige rođenih;
- 4) Svjedočanstvo ili diploma o završenoj srednjoj školi;
- 5) Potvrda o radnom stažu;
- 6) Dokaz o položenom stručnom ispitu za namještenika u organima državne službe;
- 7) Dokaz o poznavanju rada na računaru;
- 8) Izjava kandidata potpisana i ovjerena od strane nadležnog organa da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini;
- 9) Izjava kandidata potpisana i ovjerena od strane nadležnog organa da nije obuhvaćen odredbom člana IX 1. Ustava Bosne i Hercegovine;

Uz prijavu na oglas dostavljaju se dokumenti u originalu ili ovjerenoj kopiji (ne starije od tri mjeseca).

Izabrani kandidat dužan je dostaviti ljekarsko uvjerenje o zdravstvenoj sposobnosti za obavljanje poslova radnog mjesta (ne starije od tri mjeseca) prije stupanja na rad.

**Rok trajanja Javnog oglasa i adresa za podnošenje prijave**


Javni oglas ostaje otvoren 15 (petnaest) dana od dana objave u dnevnim novinama ("Dnevni avaz", "Oslobođenje" i "Dnevni list").

Prijave sa traženim dokazima o ispunjavanju svih uslova iz Javnog oglasa osim ljekarskog uvjerenja dostaviti lično u zatvorenoj koverti putem **pisarnice Kantona Sarajevo**, ili preporučeno putem pošte na adresu:

**Zavod za informatiku i statistiku Kantona Sarajevo**  
**"Komisija za provođenje Javnog oglasa za prijem namještenika"**  
**Reisa Džemaludina Čauševića broj 1**  
**71 000 Sarajevo**  
sa naznakom:

**"Prijava na Javni oglas za prijem namještenika u radni odnos na neodređeno vrijeme – ne otvaraj"**

Nepotpune i neblagovremene prijave se neće uzimati u razmatranje.

  
\_\_\_\_\_  
/DIREKTOR  
\_\_\_\_\_  
III. DINO SENOVIC



web: <http://zis.ks.gov.ba>  
e-mail: [zis@zis.ks.gov.ba](mailto:zis@zis.ks.gov.ba)  
Tel: + 387(0)33 560-470, Fax: +387(0)33 560-490  
Sarajevo, Reisa Džemaludina Čauševića 1